

ხელშეკრულება სახელმწიფო შესყიდვის შესახებ N03/65

ჯანმრთელობის დაცვის ხელშეწყობა პატიმრობისა და თავისუფლების აღკვეთის დაწესებულებებში
გამარტივებული შესყიდვა

ქ. თბილისი

25 მარტი 2013 წელი

ერთის მხრივ,

სასჯელაღსრულების, პრობაციისა და იურიდიული დახმარების საკითხთა სამინისტრო

წარმოდგენილი მინისტრის პირველი მოადგილის - გრიგოლ გიორგაძის სახით,

მის: ქ. თბილისი, ალ. ყაზბეგის გამზ. N42,

საიდენტიფიკაციო კოდი: 204564934

სახელმწიფო ხაზინა კოდი: 220101222

ანგარიშის ნომერი: 200122900;

(შემდგომში „შემსყიდველი“)

და მეორეს მხრივ

შპს „კარდიოლოგიური კლინიკა გული“

წარმოდგენილი დირექტორის - ანზორ მელიას სახით,

მის: ქ. თბილისი, წინანდლის ქ. N19,

საიდენტიფიკაციო კოდი: 206048533,

საბანკო რეკვიზიტები: სს „საქართველოს ბანკი“

ბანკის კოდი: BAGAGE22

IBAN: GE60BG000000563881100

(შემდგომში „მიმწოდებელი“)

ხელშეკრულების გაფორმების საფუძველია: „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის (დ) ქვეპუნქტი და საქართველოს მთავრობის 2012 წლის 24 დეკემბრის N2061 განკარგულება.

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვების შესახებ“ (შემდგომში - „ხელშეკრულება“) - შემსყიდველ ორგანიზაციასა და ბაზრის მოკვლევის შედეგად შერჩეულ პირს შორის დადებული ხელშეკრულება, რომელიც ხელმოწერილია მხარეთა მიერ, მასზე დართული ყველა დოკუმენტით და დამატებით, ასევე მთელი დოკუმენტაციით, რომლებზეც ხელშეკრულებაში არის მინიშნებული;
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 „მიმწოდებელი“ ნიშნავს პირს, რომელიც შემსყიდველთან მოლაპარაკების საფუძველზე, უწევს მომსახურებას მოცემული ხელშეკრულების ფარგლებში;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების საგანი და ღირებულება

- 2.1 წინამდებარე ხელშეკრულება დადებულია საქართველოს სასჯელაღსრულების, პრობაციისა და იურიდიული დახმარების საკითხთა სამინისტროს სასჯელაღსრულების დაწესებულებაში მყოფ თავისუფლება აღკვეთილ პირთა საჭიროების დასაკმაყოფილებლად;
- 2.2 ხელშეკრულების საგანს წარმოადგენს:
 - ▶ გადაუდებელი და გეგმიური სტაციონარული მკურნალობის, წინასაოპერაციო გამოკვლევებისა და სტაციონარში ყოფნისას საჭირო სხვა მომსახურებების შესყიდვა;
 - ▶ CPV კოდი - 85100000 - ჯანდაცვის სამსახურის მომსახურებები;
- 2.3 ხელშეკრულების საერთო ღირებულება შეადგენს - 20 000,00 ლარს (ოცი ათასი ლარი და 00 თეთრი).

3. ხელშეკრულების შესრულების კონტროლი

- 3.1 შემსყიდველს უფლება აქვს განახორციელოს კონტროლი გასაწევ მომსახურებაზე, რათა დარწმუნდეს მომსახურების ხარისხში.
- 3.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.
- 3.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა შენიშვნის აღმოფხვრა.
- 3.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.
- 3.5 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს სამედიცინო დეპარტამენტის სპეციალიზებული სამედიცინო სერვისების სამმართველოს უფროსი - მიხეილ ივანიშვილი.

4. მომსახურების გაწევის პირობები

- 4.1 მომსახურება გაწეულ უნდა იქნას შემდეგ მისამართზე: ქ. თბილისი, წინანდლის ქ. N19-შპს „კარდიოლოგიური კლინიკა გული“.
- 4.2 მიმწოდებელი ვალდებულია ხელშეკრულების გაფორმებიდან, შემსყიდველისათვის მოთხოვნისთანავე უზრუნველყოს მომსახურების გაწევა საკუთარი ხარჯებით.
- 4.3 მომსახურება გაწეულ უნდა იქნეს ხელშეკრულების ძალაში შესვლის დღიდან 2013 წლის 31 დეკემბრის ჩათვლით.

5. შესყიდვის ობიექტის/მომსახურების მიღება-ჩაბარების წესი.


- 5.1 მომსამომსახურების მიღება ფორმდება მიღება-ჩაბარების აქტით, რის საფუძველზეც „მიმწოდებელი“ „შემსყიდველს“ წარუდგენს მიღება-ჩაბარების აქტს ან/და წარმოდგენილი საგადასახადო კანონმდებლობით გათვალისწინებულ დოკუმენტაციას საგადასახადო კოდექსით დადგენილი წესითა და ვადებში.
- 5.2 გაწეული მომსახურების მიღება-ჩაბარების აქტს საქართველოს სასჯელაღსრულების პრობაციისა და იურიდიული დახმარების საკითხთა სამინისტროს მხრიდან ხელს მოაწერს იმ სასჯელაღსრულების დაწესებულების სამედიცინო სამსახურის უფროსი ექიმი ან სამკურნალო დაწესებულების მთვარი ექიმი, რომელი სასჯელაღსრულების დაწესებულებიდანაც მოხდება პატიმრის გაყვანა, მხარეთა მიერ გაფორმებული მიღება-ჩაბარების აქტი გადაეცემა სამინისტროს სამედიცინო დეპარტამენტის უფროსს, რომელიც შემოწმების შემდეგ შესაბამისი ხელმოწერით დაადასტურებს აქტის სისწორეს.
- 5.3 ხელშეკრულებით გათვალისწინებული მომსახურება უნდა შეესაბამებოდეს დადგენილ სტანდარტებს.

6. ანგარიშსწორების ფორმა და ვადები

- 6.1 დაფინანსების წყარო: 2013 წლის სახელმწიფო ბიუჯეტი.
- 6.2 „მიმწოდებელითან“ ანგარიშსწორება ხორციელდება უნადლო ანგარიშსწორებით ეროვნულ ვალუტაში.
- 6.3 ანგარიშსწორება განხორციელდება ფაქტიურად გაწეული მომსახურების შესაბამისად.
- 6.4 შესყიდვის ობიექტის ერთეულის ფასები მითითებულია დანართში N1 - პრეისკურანტი.
- 6.5 ანგარიშსწორების საფუძველია მხარეების უფლებამოსილი პირების მიერ გაფორმებული მიღება-ჩაბარების აქტი ან/და წარმოდგენილი საგადასახადო კანონმდებლობით გათვალისწინებულ დოკუმენტაცია.
- 6.6 შემსყიდველი იღებს ვალდებულებას გადაუხადოს მიმწოდებელს გაწეული მომსახურების ღირებულება შესაბამისი დოკუმენტების წარმოდგენის საფუძველზე.

7. „მიმწოდებელი“ ვალდებულია:

- 7.1 ხელშეკრულების ძალაში შესვლის დღიდან ვალდებულების სრულ შესრულებამდე, არაუგვიანეს 2013 წლის 31 დეკემბრისა შემსყიდველის მოთხოვნისთანავე, გაუწიოს სასჯელაღსრულების დაწესებულების თავისუფლებაღვეთილ პატიმარს პროფილის ფარგლებში სპეციალისტის საკონსულტაციო, ინსტრუმენტული და ლაბორატორიული გამოკვლევების, ამბულატორიული მკურნალობის, გადაუდებელი და გეგმიური სტაციონარული მკურნალობის, წინასაოპერაციო გამოკვლევების და სტაციონარში ყოფნისას საჭირო სხვა რიგგარეშე მომსახურება.
- 7.2 დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
- 7.3 განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;
- 7.4 განახორციელოს შემსყიდველის ინფორმაციული უზრუნველყოფა გაწეული მომსახურების შესახებ;



- 7.5 უმოკლეს ვადაში მიაწოდოს შემსყიდველს ინფორმაცია სასჯელადსრულების დაწესებულების თავისუფლება აღკვეთილ პატიმრების ჯანდაცვის მომსახურებაზე გაწეული დანახარჯების შესახებ, ელექტრონული ან/და დოკუმენტალური სახით, შემსყიდველის მოთხოვნის შესაბამისად.
- 7.6 ხელშეკრულების ფარგლებში მოითხოვოს გაწეული მომსახურების თანხის ხელშეკრულებით დადგენილ ვადებში ანაზღაურება.
8. **„შემსყიდველი“ ვალდებულია:**
- 8.1 მოითხოვოს ხარისხიანი მომსახურების გაწევა მომსახურების სპეციფიკიდან გამომდინარე გონივრულ ვადაში.
- 8.2 უზრუნველყოს ხელშეკრულების შესრულების კონტროლი.
- 8.3 უზრუნველყოს „მიმწოდებლისათვის“ თანხის გადახდა მიღება-ჩაბარების აქტის გაფორმებიდან 30 (ოცდაათი) სამუშაო დღის განმავლობაში.
9. **ფორს-მაჟორი**
- 9.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 9.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღებელ და მათგან დამოუკიდებელ გარემოებებს, რომლებიც არ არის დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.
- 9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.
10. **ხელშეკრულების პირობების და ღირებულების გადასინჯვა და ცვლილებების შეტანა**
- 10.1 სახელმწიფო შესყიდვის შესახებ დადებული ხელშეკრულების პირობების შეცვლა არ დაიშვება, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 10.2 ხელშეკრულების პირობების ნებისმიერი ცვლილება უნდა გაფორმდეს „შეთანხმების“ სახით, რომელიც ჩაითვლება ხელშეკრულების განუყოფელ ნაწილად.
11. **სადავო საკითხების გადაწყვეტა**
- 11.1 „შემსყიდველმა“ და „მიმწოდებელმა“ ხელშეკრულების ან მასთან დაკავშირებული გარემოებების ირგვლივ წარმოშობილი ყველა უთანხმოება და დავა უნდა მოაგვარონ ურთიერთშეთანხმების გზით.
- 11.2 მხარეებმა, სადავო საკითხის შეთანხმების გზით მოგვარების შეუძლებლობის შემთხვევაში კანონმდებლობით დადგენილი წესით შეუძლია მიმართონ სასამართლოს.
12. **ხელშეკრულების შესრულების შეფერხება**
- 12.1 თუ ხელშეკრულების შესრულების პროცესში მხარე წააწყდება რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმდებმა მხარემ 10 (ათი) დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით.
- 12.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.
13. **მხარეთა მიერ ვალდებულებების შეუსრულებლობა**
- 13.1 ხელშეკრულებით ნაკისრი ვალდებულებების არაჯეროვნად შესრულების შემთხვევაში მხარეებს ეკისრებათ პირგასამტეხლო ხელშეკრულების ღირებულების 0,2%-ის ოდენობით ყოველ დღეზე მათ მიერ ვალდებულებების არაჯეროვანი შესრულების დასრულებამდე.
- 13.2 საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.
- 13.3 იმ შემთხვევაში, თუ ვადების გადაცდენისთვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1%-ს, „შემსყიდველს“ უფლება აქვს შეწყვიტოს ხელშეკრულება.



14. ხელშეკრულების ენა

- 14.1 ხელშეკრულება და მასთან დაკავშირებული ყველა მოლაპარაკებები და სხვა დოკუმენტაცია, რომლებიც გაიცვლება მხარეთა შორის, ფორმდება ქართულ ენაზე.
- 14.2 ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი - შემსყიდველს.

15. ხელშეკრულების შეწყვეტა

- 15.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.
- 15.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.
- 15.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

16. ხელშეკრულების მოქმედების ვადა

- 16.1 წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2013 წლის 31 დეკემბრის ჩათვლით.

შემსყიდველი:

მიმწოდებელი:

სასჯელაღსრულების, პრობაციისა და იურიდიული დახმარების საკითხთა სამინისტრო

შპს „კარდიოლოგიური კლინიკა გული“



გრიგოლ გიორგაძე



ანზორ მელია

პ რ ე ი ს კ უ რ ა ნ ტ ი

შპს „კარდიოლოგიური კლინიკა გული“

#	პროცედური დასახელება	საწოლ/დღე	ფასი
1	ერთკამერიანი სტიმულატორის იმპლანტაცია (SSI)	2	2,200.00
2	ერთკამერიანი სტიმულატორის რეიმპლანტაცია (SSI)	1	2200/2500
3	ერთკამერიანი სიხშირეადაპტაციური სტიმულატორის იმპლანტაცია (SSIR)	2	2,400.00
4	ერთკამერიანი სიხშირეადაპტაციური სტიმულატორის რეიმპლანტაცია (SSIR)	1	2400/2700
5	ორკამერიანი სტიმულატორის იმპლანტაცია (DDD)	2	3,400.00
6	ორკამერიანი სტიმულატორის რეიმპლანტაცია (DDD)	1	3,400.00
7	ორკამერიანი სიხშირეადაპტაციური სტიმულატორის იმპლანტაცია (DDDR)	2	3,700.00
8	ორკამერიანი სიხშირეადაპტაციური სტიმულატორის რეიმპლანტაცია (DDDR)	1	3,700.00
9	სამკამერიანი კარდიორესინქრონიზატორის იმპლანტაცია (CRT-P)	2	9,200.00
10	ერთკამერიანი კარდიოვერტერ-დეფიბრილატორის იმპლანტაცია (VVI-ICD)	2	14,600.00
11	ორკამერიანი კარდიოვერტერ-დეფიბრილატორის იმპლანტაცია (DDD-ICD)	2	18,000.00
12	რესინქრონიზატორ-დეფიბრილატორის იმპლანტაცია (CRT-D)	2	20,000.00
13	ინვაზიური ელექტროფიზიოლოგიური გამოკვლევა (EP STUDY)	1	640.00
14	ინვაზიური ელექტროფიზიოლოგიური გამოკვლევა+რადიოსიხშირული აბლაცია (EP+RF ABLATION)	1	2,700.00
15	ატრიო-ვენტრიკულური კვანძის აბლაცია+სტიმულატორის იმპლანტაცია (AV ABLATION+VVIR)	2	3,800.00

#	დასახელება	კლინიკის ტარიფები	სასჯელადსრულე ბის სამინისტრო
1	განყ-ში 1 საწ. დღე **	90-100-120-150	60-80-90-120
2	ინტენს. ბლოკში 1 საწ. დღე ***	150.00	120.00
3	სასწრაფო სამედ. დდახმარება	45.00	35.00
4	მთავარი ექიმის კონსულტაცია	40.00	25.00
5	კლ. დირ. მოადგილის კონსულტაცია	30.00	20.00
6	მომღების ექიმის კონსულტაცია	25.00	15.00
7	დოპლერექოკარდიოსკოპია	40.00	30.00
8	სტრეს ექოკარდიოსკოპია	150.00	60.00
9	ტრანსეზოფაგური ექოკარდიოსკოპია	100.00	45.00
10	მუცლის ღრუს ექოსკოპია	30.00	20.00
11	ელექტროკარდიოგრაფია	10.00	10.00
12	TTT Tilt Table	50.00	20.00
13	ტრედმილი (დატვირთვის ტესტი)	70.00	45.00
14	გულის საყლაპავშიდა ელექტრ.ფიზ. გამოკვლევა	40-50	35-45
15	ეკგ და არტ. წნევის 24-საათიანი მონიტორინგი	80.00	50.00
16	ეკგ-ს ტრანსტელეფონური გადაცემის სისტემა	60.00	50.00
17	სისხლის საერთო ანალიზი	15.00	10.00
18	შარდის საერთო ანალიზი	7.00	5.00
19	ქოლესტერინი საერთო	8.00	6.00

20	ლიპიდური სპექტრი	35.00	30.00
21	ტრიგლიცერიდები	9.00	7.00
22	გლუკოზა სისხლში	6.00	4.00
23	სისხლის ჯგუფი და Rh	8.00	6.00
24	თირკმლის ფუნქციები	17.00	14.00
25	კრეტინინი	8.00	6.00
26	შარდოვანა	9.00	6.00
27	საერთო ცილა	7.00	5.00
28	შარდმჟავა	7.00	5.00
29	C-რეაქტიული ცილა	7.00	5.00
30	C-რეაქტიული ცილა(რაოდენობრივი)	25.00	25.00
31	რევმატოიდული სინჯები	21.00	15.00
32	ანტისტრეპტოლიზინი	7.00	4.00
33	რევმატოიდული ფაქტორი	7.00	4.00
34	კოაგულოგრამა	20.00	17.00
35	INR	7.00	5.00
36	INR სწრაფი მეთოდით	17.00	13.00
37	ტროპონინი I	30.00	22.00
38	NA ნატრიუმი	7.00	5.00
39	K კალიუმი	7.00	5.00
40	ელექტროლიტები Na, Ca, K, Ph	15.00	10.00
41	ღვიძლის ფუნქციები	25.00	20.00
42	ღვიძლის ფუნქციები+GGT	30.00	25.00
43	პირდაპირი ბილირუბინი	5.00	4.00
44	საერთო ბილირუბინი	5.00	4.00
45	ასპარტატამინოტრანსფერაზა (ACT)	8.00	5.00
46	ალანინამინოტრანსფერაზა (ALT)	8.00	5.00
47	კრეტინფოსფოკინაზა (KFK)	8.00	5.00
48	ლაქტატდეჰიდროგენაზა (LDH)	8.00	5.00
49	პროთრომბინის ინდექსი	6.00	4.00
50	GGT	10.00	10.00
51	CRP	25.00	25.00
52	HB-A1 (გლუკოზირებული ჰემოგლობინი)	35.00	35.00
53	ALP (ტუტე ფოსფატაზა)	8.00	8.00
54	CK კრეტინკინაზა	8.00	8.00
55	CK-MB ფრაქცია	10.00	10.00
56	TSH(თირეოტროპული ჰორმონი)-ორმაბათი,სამმაბათი,ოთხმაბათი,ხუთმაბათი	14.00	14.00
57	FT4(თავისუფალი თიროქსინი)-ორმაბათი,სამმაბათი,ოთხმაბათი,ხუთმაბათი	17.00	17.00
58	TSH(თირეოტროპული ჰორმონი)- პარასკევი	16.00	16.00
59	FT4(თავისუფალი თიროქსინი) - პარასკევი	20.00	20.00
60	სამკურნალო ფიზკულტურა B	15.00	10.00
61	შიდსი	13.00	11.00
62	B ჰეპატიტი	13.00	11.00
63	C ჰეპატიტი	13.00	11.00
64	D Dimer	25.00	25.00
65	კარდიოგერსია	150.00	150.00



საქართველოს სასჯელაღსრულების, პრობაციისა და იურიდიული დახმარების საკითხთა სამინისტრო

ხელწერილი ინტერესთა კონფლიქტის არ არსებობის შესახებ

თარიღი: 25 მარტი 2013 წელი

მიმწოდებელი: შპს „კარდიოლოგიური კლინიკა გული“

ხელშეკრულების № 03/65

ინტერესთა კონფლიქტის თავიდან აცილების მიზნით, საქართველოს კანონის "სახელმწიფო შესყიდვების შესახებ" მე-8 მუხლს "ინტერესთა კონფლიქტის თავიდან აცილების პირობები" ვადასტურებთ, რომ საქართველოს სასჯელაღსრულების, პრობაციისა და იურიდიული დახმარების საკითხთა სამინისტროს თანამშრომლები ზემოაღნიშნულ მიმწოდებელთან ინტერესთა კონფლიქტში არ ვიმყოფებით, რასაც ვადასტურებთ ხელისმწერით:

ვიზირებულია:

1. გრიგოლ გიორგაძე

2. ნათია ლანდია

3. ამირან ჯებისაშვილი

4. გივი ქემოკლიძე

5. შალვა ჯულაყიძე

6. მიხეილ ივანიშვილი

სასჯელაღსრულების, პრობაციისა და იურიდიული დახმარების
საკითხთა მინისტრის მოადგილეს, ბატონ გრიგოლ გიორგაძეს

სამედიცინო დეპარტამენტის უფროსის,
ნათია ლანდიას


მოხსენებითი ბარათი

ბატონო გრიგოლ,

მოგახსენებთ, რომ მსჯავრდებულთა და ბრალდებულთა სრულყოფილი სამედიცინო მომსახურებისათვის საქართველოს სასჯელაღსრულების, პრობაციისა და იურიდიული დახმარების საკითხთა მინისტროსა და სამოქალაქო სექტორის სამედიცინო დაწესებულებებს შორის გაფორმებულია ხელშეკრულებები. მათ შორისაა „კარდიოლოგიური კლინიკა გული“ წინამდებარე ხელშეკრულება №01/99 რომელიც გაფორმებულია 31. 01. 2013 წელს 15 000 (თხუთმეტი ათასი) ლარის ოდენობით, მოცემული თანხა სრულიად ამოიწურა. იმის გათვალისწინებით, რომ დაგეგმილია პატიმრების ამბულატორიულ-ჰოსპიტალურ, სამედიცინო, დახმარების თვალსაზრისით გადაყვანა კლინიკა „გულში“. აუცილებელია ზემოაღნიშნულ კლინიკასთან ახალი ხელშეკრულების გაფორმება.

გთხოვთ, დაავალოთ შესაბამის სამსახურს 25.03.2013 წ. უზრუნველყოს ზემოაღნიშნულ კლინიკასთან ახალი ხელშეკრულების გაფორმება 20 000 (ოცი ათასი) ლარის ოდენობით.

პატივისცემით



ნათია ლანდია

დეპარტამენტის უფროსი

სსს 70101




საქართველოს მთავრობის განკარგულება

№2061 2012 წლის 24 დეკემბერი ქ. თბილისი

საქართველოს სასჯელაღსრულების, პრობაციისა და იურიდიული დახმარების საკითხთა სამინისტროს მიერ სამედიცინო მომსახურების სახელმწიფო შესყიდვის გამარტივებული შესყიდვის საშუალებით განხორციელების შესახებ

„სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „დ“ ქვეპუნქტის შესაბამისად, საქართველოს სასჯელაღსრულების, პრობაციისა და იურიდიული დახმარების საკითხთა სამინისტრომ „საქართველოს 2013 წლის სახელმწიფო ბიუჯეტის შესახებ“ საქართველოს კანონით გათვალისწინებული პროგრამისათვის - „ჯანმრთელობის დაცვის ხელშეწყობა პატიმრობისა და თავისუფლების აღკვეთის დაწესებულებებში“ გამოყოფილ ასიგნებათა ფარგლებში (პროგრამული კოდი - 27 04), სტაციონარული და ამბულატორიული ტიპის სამედიცინო მომსახურების სახელმწიფო შესყიდვა განხორციელოს გამარტივებული შესყიდვის საშუალებით.

პრემიერ-მინისტრი



ბიძინა ივანიშვილი	
პროკურორისა და იურიდიული დახმარების საკითხთა სამინისტრო	
ადმინისტრაციული დეპარტამენტი	
საქმის ნაწილის განყოფილება	
"26" 12	2012
№ 04/73419	